

皇
明
典
禮
志

皇明典禮志卷之十五

江夏 郭正域 撰

巡狩

永樂六年七月己卯定巡狩禮。詔天下諸司鎮守官凡有重事并四夷來朝俱達行在所。仍啟聞其餘俱達京師。啟聞施行。有疑俱奏。自上裁。凡表文達行在。箋文達京師。俟車駕所至。官吏生員耆老。朝見車駕。將發奏告天地社稷太廟孝陵。祭大江旗纛等神。斬牲鞞祭于承天門。所過滁州祭滁陽王。泗州祭祖陵鳳陽祭。

皇陵祭淮闕里祭孔子。望祭泰山。緣途古聖賢忠烈祠墳俱致祭。至北京境設壇祭北京山川。至北京奏告。

天地祭告境內山川。凡扈從在京馬步軍五萬人。內馬軍一萬。步軍五千。充

駕前軍。餘馬軍五千。步軍三萬五千。分軍率領每軍馬軍一千。步軍七千。都指揮千百戶領之。錦衣衛選將軍五百人。校尉二千五百人。力士二千人。在外馬軍一萬人。山東一千四百人。駐兗州。陝西二千五百人。駐宿州。遼東四千人。駐河間。湖廣一千

一百人。赴京城河南一千。駐涿州。俱以都指揮一員領之。以侯扈從。在外步軍二萬人。湖廣衛武昌衛武昌左衛四千人。岳州沔陽二衛一千人。駐鳳陽安陸襄陽蘄州黃州四衛二千人。駐徐州河南南陽陳州信陽三衛一千五百人。汝寧衛一千人。駐德州河南弘農二衛一千人。駐大名睢陽歸德寧山三衛一千五百人。駐定州宣武寧國安吉三衛四千人。太原左右前三衛二千人。平陽潞州三衛二千人。駐涿州。俱都指揮領之。侍從五府都督各一。首領官一。吏部堂官一。四司官五。戶部堂官

一。司官十三。禮部堂官二。司官七。鑄印局官一。兵部堂官一。司官七。刑部堂官一。司官十二。工部堂官二。司官十。都察院堂官一。監察御史二十四。通政司堂官二。首領官一。大理寺堂官一。左右侍官六。太常寺堂官二。首領官一。贊理郎四。協律郎一。司樂一。樂舞生二十。厨子五十。光祿寺堂官三。首領官一。署官十七。厨役一千。鴻臚寺堂官四。首領官一。司官司賓司儀二。署官各一。序班四十。鳴贊四。及通曉夷語者。翰林院內閣官三。侍講修撰典籍等官六。書制勅秀才八。及譯寫四夷文字監生

十三尚寶司官二吏科戶科禮科兵科刑科工科
給事中三禮科給事中四中書舍人四寫誥秀才
五行人司十五太醫院堂上官二御醫二庫官二
醫士三之二欽天監官三天文生十五教坊司奉
鸞韶舞司樂各一俳長樂工酌用之各署吏役多
寡不一沿途每站增馬二十四匹附近處車一百輛
無車處夫五百人車駕將發宴在京文武羣臣賜
扈從文武官員軍校鈔在外各處劄官軍給賞車
駕至北京宴文武羣臣耆老賜官員人等及命婦
鈔凡五府及部院寺衛各鑄印通政司鴻臚寺各

鑄關防。扈從官員有牙牌者。懸帶以稽出入。經過郡縣。分遣廷臣考覆守令賢否。卽加黜陟。分命給事中監察御史存問高年。賜幣帛酒肉。經過鳳陽陵戶及親戚人賜鈔六錠。耆老迎見者。人鈔三錠。泗州陵戶親戚耆老迎見者賞如之。

丙戌詔所經處親王離城程迎駕官吏軍民於境內朝見非經過處毋出境道途一切供給之費不以煩民諸司毋進獻。

嘉靖十八年南巡儀先期

上祭服告

皇天於玄極寶殿同日告聞

皇祖太廟

皇考睿宗廟遣官分告 北郊 成祖 列聖

群廟 太社稷

帝社稷朝日夕月

天神地祇用祭服輓祭於承天門遣官祭旗纛之神
用牲醴制帛三獻如常儀駕出正陽門中

后妃輦轎從錦衣衛設欽製武陳駕脩輦輿儀仗扈
行旗校八千人六千人奉輿輦二千人執駕儀直
傳宣千百戶一百二十人行太僕寺給各旗校馬

三千匹。以錦衣衛指揮充前驅使。先往肅清道路。簡命武職重臣二人留守京城。兵部尚書一。叅贊機務。請勅行事。以文武大臣一。督宣大。一督薊州山海關。條文職重臣一。克行邊使。往遼東薊州宣大雁門固原九邊。戶部齎銀勞官軍。請勅行事。皇城四門。京城九門。大明門外守門。文武大臣各一。坐邊官侯伯二。增設守門官軍。給事中御史查覈京城內外。巡捕團營馬三千。分班巡警五城地方。凡重事達行在。餘達在京。通政使司封進諸司。請皇太子令旨。卜有疑礙。赴行在請旨。凡扈從官府部

堂屬俱如永樂時。獨吏裁其半。

駕發。留守大臣率在京官員官服。赴彰義關送駕。扈從官先發。在途不朝。奉惟禮。兵二部。鴻臚。太常。科道。糾儀官。從行。光祿寺。辦御膳。酒飯供具。凡遇行官進膳所。各撫按守巡兵備官。選精壯官軍拱衛乘輿。其扈駕官軍。戶部給行糧。工部辦釜竈。不得索害有司。混擾民舍。各軍衛有司不得糾歛。經過商店如常市賀。從駕人不得勒買。經過真定。望祭北嶽恒山。用牛犢羊豕。

上具常服行禮。衛輝遣官祭濟瀆之神。用太牢鉤州。

望祭中嶽嵩山之神。滎澤祭河神。俱太牢。南陽遣
官祭武當山之神。用牲犢。沿途古帝王聖賢忠臣
烈士祠墓。禮部祭帝王。用太牢。次用少牢。又次脯
醢酒果。各處撫按三司於所屬境候

駕。吉服見。所屬府衛州縣生員耆老。俱三十里外候
駕至。親王常服出城候

駕。宗室不出。

上臨舊邸詣

皇考睿宗獻宗皇帝廟。謁告。越四日行祭告

皇天禮於龍飛殿。丹陛奉

皇考睿宗獻宗皇帝配是日

上更皮弁服詣園社壇及山川壇行告祭禮次日恭謁顯陵次日從駕官上表賀遂頒詔回京

上親謝

皇天上帝

皇祖太廟

皇考睿宗遣官分告北郊列聖羣廟社稷日月天神地祇太歲旗纛城隍承天門之神百官上表賀如常儀

論曰巡狩古禮也。文中子有言舜一歲游五岳。兵

衛少而征寡也。時異世殊。

宣皇言之詳矣。

高皇平定之初。僅一巡大梁。再入中都。而其儀不著。文皇六年。以將巡北京。始定巡狩之禮。而其它一征本雅。三征阿魯。與

宣皇之征彰德。出喜峯度。居庸。獵岔道。以蘇哈從事。載在戎行。不與焉。

武皇駐邊關。幸南畿。六飛時駕。八駿不休。非巡狩禮也。今祇載永樂兩朝南巡北征二儀。

皇明典禮志卷之十五終

皇明興禮志卷之十六

江夏 郭正域 撰

監國

永樂七年二月甲戌朔勅皇太子曰朕今巡狩北京
命爾監國天下之務甚重爰簡文武才德之臣爲
爾輔贊古聖哲爲政需賢而成者宜悉心取益虛
已納言整肅弘綱康理庶務聽言之際宜加審擇
言當雖芻蕘從之言不當雖王公不可聽惟明與
斷乃克有成至於武備尤宜盡心居處關防幾務
慎密宜祇勤佩服夙夜不忘以副朕付託之重遂

命禮部議

皇太子留守事宜常朝於午門左門視事其左右侍衛及京官啟事如常儀若

皇太子御文華殿承旨召入者方入凡內外軍機及王府要務以聞各處有警卽調官軍勦捕仍馳奏行在其皇城四門各城門增守衛官軍如有稱奉令旨調遣處分所司仍覆啟凡遇聖節正至先期皇太子率文武百官於文華殿前拜表設龍亭於殿中設丹陛駕大樂鳴鐘鼓皇太子具冕服於丹陛上百官朝服丹墀內十二拜如常儀儀仗鼓樂

導表由中門出皇太子由左門送至午門百官導
至長安右門文官五品以上武官四品以上及近
侍官監察御史俱乘馬導至三山門外以授進表
官至期行告天祝壽禮於文華殿丹陛上

皇太子具冕服文武百官朝服八拜如常儀凡王府
遣詣東宮者納其禮物荅否以聞遇享太廟祭社
稷風雲雷雨山川之神預期勅皇太子攝祭其祀
典神祇太常寺預奏行在所遣官四夷來朝循吏
宴之皇太子命禮部遣送行所在給鈔錠爲道里
費凡文選在京六部都察院翰林院太醫院欽天

監堂上官尚寶司通政司大理寺太常寺光祿寺
鴻臚寺國子監正官六科都給事中并在外布政
使王府長史吏部以聞其考滿黜陟并復職改用
常選具啟皇太子銓注其武選五府都督各都司
都指揮及土官奏保土人任職者兵部以聞餘襲
贛優給及陞降改調具啟皇太子銓注大小官有
犯所司啟問皇親有犯小事情重拘執命皇親會
問公侯伯五軍部院寺會皇親再問具啟候車駕
回京處分其在外王府指揮并長史及土官事干
惡逆收問奏聞凡法司擬罪應死者以聞餘具啟

處分如舊奉令旨原免者勿論

閏四月戊申勅吏部尚書兼詹事府詹事塞義兵部尚書兼詹事府詹事金忠右春坊大學士兼翰林院侍讀黃淮左春坊左諭德兼翰林院侍講楊士奇曰皇太子監國所裁決廢務令六科每月以聞如賞一人何以賞罰一人何以罰或罰而復宥皆類奏勿隱

八年二月北征皇太子監國於南皇孫監國於北戶部尚書夏原吉等進所議皆守北京事宜皇長孫於奉天門左視事侍衛如常儀諸司有事啟行

若軍機及王府要務一啟皇太子一奏行在萬壽
聖節設香案於奉殿丹陛上皇長孫具色服於丹
陛上文武官具朝服于北京刑部行禮如常儀天
下表文詣北京四夷朝貢詣南京禮部啟皇太子
施行其文選行在六部都察院及北京刑部所屬
五品以上行在吏部咨南京吏部啟皇太子選補
六品以下及考滿起復陞降復職改用常選撥用
吏典啟皇長孫施行其武選行在五軍都督府及
行在後軍都督府所屬襲替陞降者行在兵部啟
皇長孫施行餘非常選者啟皇太子酌行一內外

官吏軍民有犯啟皇長孫若皇親有犯啟皇太子如前儀其行在刑部都察院北京刑部議死罪啟皇太子待報施行餘悉啟皇長孫裁決

永樂十二年北征凡常朝於文華殿視事其在北京有應奏啟事俱達北京隱匿者重罪敢增損者極刑在北京文武有犯者堂官以聞五品以下者啟治在外文織有犯者方面及四品以上官以聞五品以下啟治凡京軍布絹及邊軍士衣布戶部奏行凡進春於文華殿門外應天府奏進如常儀

永樂十五年三月丁亥朔上將巡守北京命禮部東

宮留守事宜凡近侍官內官內使傳令旨處分事者所司行之以聞凡內外文武大小官員俱從行在吏部兵部奏聞銓選餘悉七年巡狩事宜

嘉靖十八年二月甲寅命

皇太子監國以宣城伯衛鐔遂安伯陳鏊爲留守大學士顧鼎臣爲同留守兵部尚書張瓚叅贊機務太監麥福爲內提督與鐔等協同行事文武大臣刑部右侍郎屠僑等一十八人分守京城九門仍命內坐管官九人協守賜留守大學士顧鼎臣勅曰朕茲巡幸承天恭視顯陵車駕往回動歷數月

昨已冊立東宮令之監國特留卿贊輔協同文武
重臣是守內自禁掖外而都城遠及邊陲并大小
有司庶務悉以付卿卿宜遵承朕命應啟請者請
令旨應聞奏者馳奏行在其有密切緊重事情宜
用欽賜印記來聞卿講幄舊臣久懷經濟朕茲重
寄宜欽承之是日復召卿臣於平臺面授手勅曰
朕以二親安神之地日夜思念心甚缺焉必親見
乃安非漫遊也特以器守至託簡付於卿宜朝夕
慎恭輔贊儲政朕乃心安于行卿其欽哉慎之毋
臣因條上監國事宜七事一

聖駕行後

皇太子十日一具本恭問實封馳奏一臣不時候問
皇太子二王公主起居及宮闈消息一體奏聞一
皇太子正位東宮舊制文武百官俱朝恭朔望今宜
令都察院鴻臚寺設糾儀官員及司儀鳴贊至日
百官各詣文華門候朝臨時取旨放免一皇城及
各門守備官軍臣臣不時查覈有違悞者量加懲
戒一皇城營未得停止臣五日一閱視一內閣子
諸司舊無統攝今臣奉欽命留守事體重大乞特
降明旨令順天府宛大二縣及五城御史兵馬與

皇城各門守衛官軍俱聽臣約束便於行事一徃來多有四方奸人妖術潛住京城蠱惑愚民玩弄國法無所不至近聞虜中奸細散入內地間至京師密伺動靜尤不可忽乞容臣同留守兵部計議嚴督巡城御史五城兵馬及行緝事官校密切查訪但有奸人即與擒送究問如法重大事情則奏聞區處

上覽奏荅曰宮中消息當密疏奏聞都察院重獄具在該院官其加意監守無通同疎縱鄉亦時傳朕諭令周期查知之勿賣主不忠也餘俱報可與臣

文請以先後所降手勅綸旨下該科庶百官知儆
臣亦得以奉命行事

上曰百司庶官分理政務近者多恣縱怠慢朕躬至
顯陵去京師非邇卿受茲特任留守國都贊佐東宮
其一切事務俱當與知其有廢法徇情行私者即
加聞諭違者如情重則具疏以聞輕者暫取令旨
懲戒之仍令諸司遵守

凡有內外軍機各王府事務以聞其各處有警即
調邊軍勦捕仍聞行在留守武職大臣同奏贊尚
書每日操閱凡稱奉令旨調遣處分所司復啟五

府九卿各衙門有重事俱以聞其進繳精微勤宴
賞官軍俸糧五府比試如例啟行凡祭祀至期太
常寺啟請遣官行禮郊廟社稷之祭候勅命行其
拜進表箋大禮者詣行在所其進賀中宮東宮箋
文禮部類進司禮監官捧進各王府進慈孝獻皇
后香并南京進香官朝鮮國吊使禮禮部啟請司
禮監官捧進給賞凡吏部會推在京堂上官六科
都給事中在外方面官知府在吏部奏請其大選
急選及考滿復職如例啟行凡各王府請給誥命
勲臣襲爵追封京官贈謚公侯伯內外文職官誥

勅兩京官廕子士官襲職俱行在吏部奏行凡兩京五府錦衣衛在外總兵叅將都司兵部奏請擢用其大選軍織土官襲替及保用通事隨司辦事具啟裁度各處奏報邊功應覈應賞俱啟行在外撫按官劾奏不職文武官方面以上武官叅將以上奏聞凡赴行在奏事人兵部啟傳行各王府重情詣行在奏聞其請名請封請婚在京啟行四夷朝貢賞宴如例啟行凡法司擬罪重情奏聞餘具啟決放內外大小官員有犯啟問情重奏聞都察院差巡按御史具奏行在餘差及考察俱啟行通

政司奏本每日封進有疑礙難行者馳赴行在
論曰太子出曰撫軍守曰蓋國三代以上稱既宏
唐太子監國結雙龍符而其儀不著至我明而兩
見于永樂一見于嘉靖治政安邦辨名定本疑感
不生萬幾有托嗚呼盛哉

皇明典禮志卷之十六終

皇明典禮志卷之十七

江夏 郭正域 撰

鹵簿儀仗

洪武五年三月辛未禮部言周制天子出入條狼氏夾道以辟止行人漢制則鹵簿前驅持弓以射窺者唐宋清道慝弩辟止行人惟迎駕之人仗外迎拜今定擬車駕出入有司肅清道路官民勿觀望官員父老迎駕者於仗外路右俛伏若遇駐驛迎駕之人五拜

六年八月庚寅詔禮官考五輅制度

上曰五輅起於成周玉輅太奢今止用木輅朱漆之
朴素渾堅奢儉得中爲二乘一不用革祭祀用之
一以皮鞞行幸用之

九年十月乙亥金吾右衛指揮同知素義等進大
駕出入侍衛部列圖凡隨駕之兵各依隊伍布列
騎兵百戶領執盾之卒侍衛指揮列於盾前

上所幸處雖大臣不得往來其無兵仗者亦不得輒
至侍從大臣皆列隨駕兵士後有宣召由道左右
以進或值衢巷恐有衝突各設八尺短兵五枝以
衛內官離駕後一十五丈

上曰內宮有職事者稍近後行無職事者傍行勿令
居兵衛中

二十六年定凡正日冬至聖節錦衣衛陳鹵簿大
駕於殿之東西 凡鹵簿大駕惟郊祀幸太學耕
籍田用之如祭社稷祭太廟祭山川則於鹵簿大
駕內去白澤以下至玄武豹尾大涼步輦至大輅
不設其郊祀前期視牲則用丹陛駕

永樂元年八月禮部言鹵簿中宜有九龍車一乘又
舊有金釭紅鼓魴灯紅灯請增製

上曰禮貴得中。過爲奢不及爲儉先期定禮審之精

矣後世子孫遵用舊章當自朕始豈可輒有增益
以啟後世之奢哉九龍車既先期所無卽不可增
舊有而今闕者令工部補造

大駕鹵簿

肅旗一黃質黑字硃竿 靖旗如肅旗 金鼓旗
二黃質紅金鼓二字硃竿紅纓鐵積 金龍畫角
二十四枝木質黑漆金飾上寶相花中雲龍下八
寶海馬二 鼓四十八木匡紅飾繪寶相獅毬
金四 金鉦四銅質竹匡 杖鼓四木匡細腰黑
飾金雲龍文聯以紅纒加銅 龍首鈎 板四鐵

力木各六貫以青絲組 皂纛二用旄牛尾如巨
斗大建朱竿上株金銅寶蓋大約尾一朱竿懸紅
絲拂垂豹尾金銅龍首共長一丈三尺四寸九分
銅頂垂銅鈴圖奄珠懸三色鬚中垂大約尾長五
尺 金龍旗十二青質黃欄繪金龍 北斗旗黑
質塗金爲七星 門旗八赤質黃欄塗金門字
黃旗四十黃質殊竿 日旗月旗各一青質黃欄
繪日赤繪月白 朱雀旗一赤質繪朱雀玄武旗
一黑質繪龜蛇青龍旗一青質繪躡龍白虎旗一
白質繪躡虎 風雲雷雨旗各一青質黃欄風畫

箕星雨晝畢星雲晝雲氣雷晝雷文 四瀆旗各
一江赤質河白質淮青質濟黑質俱黃欄中繪水
形 五嶽旗各一東嶽青質南嶽赤質中嶽黃質
西嶽白質北嶽黑質俱黃欄中繪山形 五星旗
各一木青質火赤質土黃質金白質水黑質俱黃
欄中塗金星形 天祿旗一赤質黃欄繪天鹿白
身綠尾一角 天馬旗一赤質黃欄繪馬形兩肉
翼 白澤旗二赤質繪白澤龍首綠髮戴角四足
熊旗罷旗各一赤質黃欄繪熊罷 鸞旗麟旗
各一赤質黃欄繪鸞麟 列宿旗二十八青質黃

襪塗金爲本宿形 麾下 戲竹一簫十二 笙

十二 龍笛十二 頭管十二 方響四 箏四

琵琶八 箜篌八 杖鼓三十六 板四 大鼓

二 五和韶樂 鹿一 槐一 敵一 桴拊二

琴十 瑟四 簫十二 笙十二 笛十二

埙四 篪四 排笛四架 偏鐘二架 偏磬二

架 應鼓二 黃麾二絳羅帛爲之如旛金書黃

麾字下塗金交龍雲日朱竿金龍首上垂朱綠蓋

四角垂佩末橫板碾玉文其長一丈二尺五寸四

角紅羅寶蓋抹金銅龍首繫抹金銅佩十六間銅

鈴三十六寶蓋下腰黃羅三簷銷金雲龍文 紅
纛二珠竿金首長一丈三尺九寸髦尾染紅簇爲
纛上施寶蓋絡瓷珠 紅節二珠竿髦尾紅簇如
斗大綴瓷珠 小銅角二大銅角二俱金飾 纓
頭一珠竹竿金飾髦牛尾紅簇共長一丈一尺四
寸九分 弓矢一百弓黑矢朱 御杖六十珠竹
銅首末長四尺九寸 誕馬二十四紅轡黃韁錦
羈領頭十二珠竹銅裹長四尺九寸 絳引旛十
朱竿金龍首朱綠蓋四角垂佩繫五色間暈髦末
橫板碾玉文 告止旛十黃羅繡青告止字承以

雙鳳餘如絳制引 傳教旛十如告止旛繡傳教
字承以雙金龍 信旛十如傳教額黃羅繡青信
字 豹尾四殊竿長一丈二尺五寸金龍首藍斜
皮寶蓋圓銅鈴中垂豹尾四尺五寸 龍頭竿繡
斃十竿如戟鈎下小橫木龍首垂紅蓋五角綴紫
錄金裙連綴青斃帶五繡鳳末垂金鈴珠佩長一
丈二尺五寸 羽葆幢十殊竿金龍首綠蓋紅斃
五層上戴白羽長一丈二尺五寸五分下貫紅纓
簇圓凡五層 戟斃二十爲戟枝黃金塗之龍首
朱竿在車輪外赤質畫雲氣上綴飛掌垂五色帶

毛鈴

戈斃二十爲戈刃黃金塗之龍首朱竿畫

雲氣升降二鳥綴五色旛帶末綴金鈴儀鎧斃

二十如斧刻木爲之謂之儀鎧塗刃以青柄以朱

畫雲氣上綴小錦旛五色帶垂銅鈴單戟六朱

竿金龍首龍戟六枝龍首黃蓋四紅漆直柄

黃羅表銷金飛龍形金葫蘆大繖赤質紫表平頂

而圓上繡金飛龍瑞草金浮屠華蓋四上加雲

氣花繡金浮屠赤質圓頂隆起上繡雲氣花繡朱

漆直柄金浮屠潤四尺七寸五分長一丈一尺二

寸九分曲蓋赤質紅裏平頂而圓曲柄上繡瑞

草 紫方繖四赤質正方四角銅螭頭紫羅表垂
二層金浮屠 紅方繖四如紫方繖紅羅表無飾
金浮屠 雉扇十二下方上圓直柄緋羅心外周
繡雉尾中爲鸞鳳文青羅背銷金寶珠花面風衣
高一丈一尺二寸 紅團扇十二赤質繡五色雜
花朱柄 朱雀玄武青龍白虎幢各一幢如節用
髦毛而五層繡四神隨方朱雀幢緋紗衣玄武幢
皂紗衣白虎幢白紗衣長七尺五寸濶一尺二寸
斑劍六刻木爲劍鞘飾金龍取裝飾斑斕之義
劍鞘黃質紫斑衣紫絲帔鍔 儀刀六刻木爲刀

綠銷銀地金塗花龍飾鞘紅絲絛帳鍔 金鉞六

朱竿刊木爲斧承以龍首長六尺九寸 鐙杖六

金龍首銜木馬蹬貫朱漆捧首金飾棒末長六尺

九寸 梧杖六木爲之朱漆八稜金飾兩末長六

尺九寸 卧瓜立瓜各六製如瓜形塗以黃金卧

瓜則卧立瓜則立承以龍頭 響節二十四金塗

竹杖首貫銅錢黃金袋冒之長一丈二寸五分方

天戟三十二殊竿木戟承龍首金飾 黃曲柄繡

傘二抹金銀鈴金葫蘆黃羅繡綵雲文三簷雲龍

文曲處金龍首承之 紅曲柄繡傘四 青銷金

傘三金葫蘆冒羅銷金雲龍香草文 紅銷金傘

三 黃銷金傘三 白銷金傘三 黑銷金傘三

黃油絹銷金雨傘一金葫蘆銷金寶珠龍文邊如

意龍文 紅繡花扇十二面背風衣紅羅面繡四

季花背銷金龍團花文 紅單龍扇一十共高一

丈一尺二寸面背大紅羅繡龍雲團花文 黃單

龍扇一十共高一丈一尺二寸面背皆黃羅繡雲

龍團花文 紅雙龍扇二十共高一丈一尺二寸

面背紅羅繡雙龍團花文 紅羅素扇二十

黃羅素扇二十 壽扇二制同雙龍扇 黃羅銷

金九龍傘一 黃羅曲柄繡九龍傘一 紅紗燈

籠十二紅紗蒙之 硃竿金龍首 紅油紙燈籠六

竹骨竹絲編籠 鮑燈六用鮑爲之 鍍金銅玲

瓏香爐一 寶匣一紅蓋金雲龍文仰覆蓮花香

草文 硃紅馬杌四 仗馬六鞍 籠二硃飾金

升降龍文 黃帳房一黃木綿布帳幃幕上施獸

吻硃柱杖竿首絲粧躡獅毡頂 金節六黑竿上

施圓盤綴紅絲拂八層黃繡龍袋籠之 骨朶六

朱竿金飾上貫骨朶承以龍首 金交椅椅踏木

質金葉裏斂花雲龍文黃織金紵絲褶襜 鳴鞭

四以黃絲稍續以瓊柄龍首木質 金馬杓一金

葉裏斂盤龍雲文 拂子四紅纓青鬘尾籠之抹

金銅龍首朱柄黃絲結蚡鏞 唾壺唾盃各一黃

金爲之壺小口巨腹蓋大如腹盃圓形如釜下有

盤俱龍文 金水盆一平底列瓣爲芙蓉斂盤龍

雲香草文 金水罐一黃金爲之有蓋有提小口

巨腹純質不加飾香合黃金爲之蓋斂龍文邊斂

香草文 香爐一黃金爲之大口細頸巨腹三足

蓋爲躡龍飛鳳爲耳硃竿舉之竿首銅龍頭其下

龍尾 大輅一其制通高丈三尺六寸九分面濶

五尺六寸五分輅身長八尺九寸轆條二各長二丈一尺三寸九分頂盤方八尺四寸五分頂蓋青文綺鞞罩上安金銅龍一玉色地明金龍耀葉板八十一片漆圈三層上有耀葉板青綠飭斗拱硃圓盤間八頂黃文綺綳嵌繡九龍硃廂硃屏正南飾金雲龍四周雕雲龍花板并金雲龍疊勝花窓硃曲闌二直闌一綵飾明金鈴鐻雲板闌柱上金蹲龍紫檀香色座黃絨瓣金硃轆條二護泥鴈翅板前後鴈翅下有千斤木桩五綵翔禽海獸硃輪心木一時持金銅龍首鉄簪二硃桿四硃漆罩下

脚輪二持金鐵龍六花周圍過鞞硃大小升梯二
紅象鞍二硃行馬二象鞞轡二黃帷太常旗二上
繡雲龍十二左旗繡日月星竿首銅龍首右旗繡
黻文竿首銅戟十二旂紅纓球二十四青絲絛結
二五色線并鐵鎖黃文綺帷幙裙瀝水索羅帶黃
文綺輪衣三層八十一片各繡雲龍錦褥一黃絹
雨衣一座褥四紅竹簾三花粘簞大小二白花粘
鞍籠二青文綺絡帶四黃文綺墊褥一絨錦褥一
担皮大小七黃羅單帷幙一儀鸞司掌之 玉輅
如大輅但青地彫木飾玉色雲龍文 大馬輦一

乘高一丈二尺五寸九分濶八尺九寸五分轆三條各二丈五寸九分輦亭高六尺四寸九分四周抹金銅鈹花葉片輦頂并圓盤高二尺六寸五分盤上下無尺寸無內外角面雲彩輦亭前直欄一後曲闌一左右欄二珠飾一十四柱柱首金蹲龍一餘如大輅 小馬輦一乘高一丈一尺五寸九分濶七尺九寸五分轆二條各長一丈九尺五分輦亭高五尺五寸九分紅飾四柱圓盤下用黃綺緯幔四扇餘如大馬輦 步輦一乘高一丈二尺二寸五分座高三尺二寸五分方濶八尺二寸五

分傘座殊飾四周五彩雲金龍板十二片間以金
飾覆蓮座其下雕金五彩雲板二十片轆四條中
二條各長三丈五尺九寸左右二條各長二丈九
尺五寸九分傘亭高六尺三寸九分四柱各長六
尺二寸五分四周雕木沉香色繪金香花板十二
片抹金銅鈹花葉片前并左右殊楯雕飾沉香色
繪雲龍板八片其下雲板如其數後殊屏雕沉香
繪金雲龍五四周施黃綺幔帳亭外青綺綠殊簾
十餘如大馬輦不用太常旗 大涼步輦一乘高
一丈二尺五寸九分四面殊飾青地雕木五彩雲

粧板二十片間金仰覆蓮座其下硃如意環板如其數硃轅六條中二條各長四丈三尺五寸九分左右二條各長四丈九分左右二邊二條各長三丈六尺五寸九分前後飾雕木金龍頭龍尾輦亭高六尺五寸九分濶八尺五寸九分四周沉香色繪金香草板十二片前左右榻明欵金背硃飾四周施黃綺幃幔闌干柱首雕木金蹲龍內大紅錦墩二亭外青綺綠硃紅簾三硃頂黃線圓繚四上冒紅毡四垂黃瓊爲如意雲周圍施黃綺瀝水三層每層一百三十二摺間繡五彩雲龍文冒頂黃

羅爲之冠 雲綠條瀝水亦用黃羅 四周以紅
壇爲幃亭內寶蓋繡五龍頂 以硃木匡冒黃綺
謂之黃屋頂心周圍繡雲龍各一輦亭四角至輦
座用黃線圓絲四條并貼金木魚輦前曲闌二後
直闌一雕木渾金龍間以五彩雲板三餘如大輅
紅板輅一乘高六尺九寸五分頂高一尺六寸五
分硃飾近頂裝圓圭剡殼窓在上鍍金銅火燄寶
珠帶仰覆蓮座高六寸九分四角金雲朶輅扛二
前後鍍金銅龍首龍尾四圓硃板左右門二黃緇
衣并雨衣各一青壇衣一紅壇緣

凡正旦冬至聖節冊拜親王及蕃使來朝金吾衛
於奉天門外分設旗幟宿衛于午門外分設兵仗
衛尉寺於奉天殿門及丹陛丹墀設黃麾仗內使
監擎執於殿上其宣詔赦降香則惟設奉天殿門
及丹陛儀仗殿上擎執其陳布次第午門外刀盾
戈叉各置於東西甲士周四奉天門外中道金
吾宿衛二衛設龍旗十二分左右用青甲士十二
人北斗旗一纛一居前豹尾一居後俱用黑甲士
三人虎豹各三馴象六分左右左右布旗六十四
左前一行門旗二每旗紅甲士五人一人執旗四

人執弓箭二行月旗一白甲士五人一人執旗四
人執弩青龍旗一青甲士五人一人執旗四人執
弩三行風雲雷雨旗各一每旗黑甲士五人一人
執旗四人執弓箭天馬白澤朱雀旗各一每旗紅
甲士五人一人執旗四人執弓箭四行木火土金
水五星旗各一隨其方色每甲士五人一人執旗
四人執弩其甲木青火紅土黃金白水黑熊旗鷲
旗各一每旗紅甲士五人一人執旗四人執弩五
行角亢氐房心尾箕旗各一每旗青甲士五人一
人執旗四人執弓箭六行斗牛女虛危室壁旗各

一每旗青甲士五人一人執旗四人執弩右一行
門旗二每旗紅甲士五人一人執旗四人執弓箭
二行日旗一紅甲士五人一人執旗四人執弩白
虎旗一白甲士五人一人執旗四人執弩三行江
河淮濟旗各一隨其方色每旗甲士五人一人執
旗四人執弓箭其甲江紅河白淮青濟黑天祿白
澤玄武旗各一每旗甲士五人一人執旗四人執
弓箭天祿白澤紅甲玄武黑甲四行東南中西北
五嶽旗各一隨其方色每旗甲士五人一人執旗
四人執弩其甲東嶽青南嶽紅中嶽黃西嶽白北

嶽黑熊旗麟旗各一每旗紅甲士五人一人執旗
四人執弩五行奎婁胃鼎畢觜參旗各一每旗青
甲士五人一人執旗四人執弓箭六行井鬼柳星
張翼軫旗各一每旗青甲士五人一人執旗四人
執弩

奉天門內拱五輅玉輅居中左金輅次革輅右象
輅次木輅俱並列與牧所設乘馬於文武樓之南
各三東西相向丹墀左右廂布黃麾仗凡九十分
左右各三行左前一行十五黃蓋一紅大傘二華
蓋一曲蓋一紫方傘一紅方傘一雉扇四朱團扇

四二行十五羽葆幢二豹尾二龍頭竿二信幡二
傳教幡二告止幡二絳引幡二黃麾二三行十五
黃蓋一紅大傘二華蓋一曲蓋一紫方傘一紅方
傘一雉扇四朱團扇四二行十五羽葆幢二豹尾
二龍頭竿二信幡二傳教幡二告止幡二絳引幡
二黃麾一三行十五戟斨五行斨五儀鎗斨五皆
校尉擎執服交脚幞頭紅綠辟邪獸團花裙襖銅
葵花束帶皂鞞丹陛左右廂拱衛司陳幢節等仗
九十分左右爲四行左前一行響節十二金節三
燭籠三二行青龍幢一斑劍三梧杖三立瓜三卧

瓜三儀刀三盤杖三戟三骨朵三朱雀幢一右前
一行響節十二金節三燭籠三二行白虎幢一斑
劍三楮杖三立瓜三臥瓜三儀三鎗杖三戟三骨
朵三玄武幢一皆校尉擎執服同上 奉天殿門
左右拱衛司陳設左行圓蓋一金腳踏一金水盆
一團黃扇三紅扇三右行圓蓋一金交椅一金水
罈一團黃扇三紅扇三皆校尉擎執服如前殿上
左右內使監陳設左拂子二金唾壺一金香盒一
右拂子二金唾盂一金香爐一皆內使擎執

儀仗

吳元年十二月宣國公李善長等進儀衛上見仗內
旗有天下太平皇帝萬歲字願謂善長曰此誇大
詞也古者九旗之制各有其屬若日月蛟龍熊虎
鳥隼龜蛇之類所以昭儀物辨等威若太平萬歲
之名此直誇耳莫若以天祐邦家海宇康寧易之
庶幾順理旣而復語之曰此亦近誇宜并去之
先是

上將幸天壽山諭禮部巡符鹵簿當與出郊不同義
湏尚武尋御製天子武陣及太武冠服制式示尚
書夏言且諭之曰朕此二制鄉其註圖行今次不

及後用之至是言繪二制以進

丹陛駕

常朝日奉天門設丹陛駕於午門外及金水橋單
龍鞍六雙親戟六斑劍悟杖六儀刀六立瓜六卧
瓜六鐙杖六金鉞六骨朶六單龍扇二十雙龍扇
二十黃華傘二黃曲柄傘二五方傘五鳴鞭四條
牙矢五十副

嘉靖十八年聖駕南巡欽定油羅黃蓋五立瓜四卧
瓜四斧八戟八鉞四鐵造三尖刀四鷹翎刀四斬
馬刀十二三股叉四戟四劍四竹節鋼鞭四鐵簡

二鐵杖二弓矢二十四副戈六矛六大銅角六小
銅角六音樂六把捷字旗牌鎗六賞字旗牌鎗六
戮字旗牌鎗四威字旗牌鎗十二敢字旗牌鎗六
勇字旗牌鎗十釋字旗牌鎗一
郊祀弔喪臨祭車駕出入合用羽儀導引定制陳
布毋得相參

太皇太后皇太后皇后 鹵簿

太皇太后皇太后皇后俱同紅杖二對清道旗二黃
麾二絳引旛六傳教旛四告止旛四信旛四龍頭
竿十儀鍠斝十戈斝十戟斝十梧杖六立瓜六卧

瓜六儀刀六斑劍六鏃杖六金鉞六骨朶六響節
十二羽葆幢四紫方傘二紅方傘二黃銷金傘一
黃繡曲柄傘二紅繡傘一紅繡圓傘二紅繡雉方
扇六紅繡花圓扇六青繡方扇六紅羅素圓扇六
黃羅素圓扇六拂子四紅紗燈籠四紅油紙燈籠
二鮐燈二金交椅一金腳踏一金水盒一金水罐
一金香爐一金香盒一金唾盂一金唾壺一行障
二葉坐障一葉輅一乘高一丈一尺三寸四分輅
三條各長一丈九尺六寸用抹金銅鳳頭鳳尾鳳
翎葉片裝釘四周俱繪鴛鳳雲文余同玉輅安車

一乘高九尺七寸六分轅二條各長一丈六尺七寸六分車亭高四尺四寸四周五彩花板十二片施黃綺幃幔亭外周青綠紅簾四車蓋硃脚高二尺六分抹金銅寶硃頂蓮座四角抹金銅鳳頭紅漆木蓋下施黃瀝水三層銷金鸞鳳文鳳頭下垂紅帔踏梯一余同輅

丹陛儀仗

儀仗 三十六人黃麾二戟五色繡旛六戈五色繡旛六鎧五色錦旛六小雉扇四紅雜花團扇四錦曲蓋二紫方纛二紅大纛四丹墀儀仗五十八

人班劍四金梧杖四立瓜四臥瓜四儀刀四鐙杖
四骨朶四斧四響節十二錦花蓋二金交椅一金
脚踏一金水盆一金水罐一方扇八宮中常用儀
衛二十人內使八人青五色繡旛二金斧二金骨
朶二金交椅一金脚踏一宮女十二人金水盆一
金水罐一金香爐一金香盒一金唾壺一金唾盂
一拂子二方扇四宮女服用紫色圓領穿袖徧刺
折枝小葵花于上以金圈之硃絡縫金束帶紅裙
弓樣鞵烏紗帽飾以花帽額綴團珠結珠鬢梳垂
珠耳飾

皇妃鹵簿

洪武初定戈繡旛二鎧繡旛二降引旛二斑劍二梧
杖二立瓜二卧瓜二儀刀鐙杖二骨朶二斧二響
節四金鍍銀交椅一金鍍銀脚踏一金鍍銀水盆
一金鍍銀水罐一以上兼用內使校尉擎執厭翟
車駕二馬馭士十九人紅方扇四紅蓋一紅大纛二

皇妃儀仗

永樂三年定紅杖三清道旗二絳引旛二戈斃二戟
斃二儀鎧斃二梧杖二儀刀二斑劍二立瓜二卧
瓜二鐙杖二骨朶二金鉞二響節二青方

繡圓傘一紅繡方傘四紅花圓扇四青繡圓扇四
間抹金銀交椅一間抹金銀脚踏一梯子二間抹
金銀水盆一間抹金銀水罐一間抹金銀香爐一
間抹金銀香奩一間抹金銀唾盂一間抹金銀唾
壺一紅紗燈籠四鳳轎一乘青頂上抹金銅珠頂
四角抹金銅飛鳳四各垂銀圓寶蓋并綵結轎身
硃紅漆木匡四面篋織紋簾繪以翟文抹金銅釵
花葉片裝釘硃紅漆木轎扛抹金銅鳳頭鳳尾裝
青銷金羅綠邊硃紅簾并看帶內紅交床并坐踏
褥紅銷金羅轎衣一頂銷金寶珠文瀝水香草文

看帶并幃皆鳳文行障二葉紅素綾爲之繪雲鳳
瀝水香草文坐障一葉紅素綾爲之繪雲鳳文

東宮鹵簿

洪武二十六年凡出入依制陳導定金交椅一金盆
鐘各一紅紵拜褥一青孔雀扇六青花扇四青方
扇四紅繡銷金傘一紅羅銷金雨傘一羽葆幢六
絳引旛二儀鎧斃六戈斃六戟斃六金節四響節
十二骨朶四金鉞四金鐙四立瓜四卧瓜四儀刀
四班劍四梧杖四戟十二紗燈六鮎燈六帳房一
帷幕一金馬杙一

永樂三年增定

東宮令旗二青質紅金字清道四憶弩一刀盾二十
弓箭二十白澤旗二青旗二紅旗二黃旗二白旗
二黑旗二青素旗二十金鼓旗二金龍畫角十二
枝花匡鼓二十四柶鼓二金鉦二金二板二笛二
管枝鼓二小銅角二大銅角二纓頭一戲竹二大
鼓一板一串杖鼓十二龍笛二笙二篋篥二簫二
琵琶二方響二頭管二簫二領頭八絳引幡二傳
教幡二告止幡二信幡二羽葆幢六儀鍠鑿六戈
鑿六戟鑿六梧杖六儀刀四斑劍四金鉞四立瓜

四卧瓜四骨朶四鐙杖四叉叉二戟二十稍二十
夾稍二麾一幢一節一金節四響節十二青方傘
二紅方傘二紅銷金傘一紅繡直柄圓傘一紅繡
曲柄圓傘二紅繡花直柄傘二紅圓傘二青圓傘
二紅油絹銷金雨傘一青繡孔雀圓扇六青繡花
圓扇四紅繡孔雀方扇四青繡花方扇四誕馬八
匹鞍籠一金机一金交椅一金脚踏一拂子二紅
紵絲拜褥一金水盆一金水罐一金香爐一金唾
盂一金唾壺一紅紗燈六紅油紙燈籠六鮎燈六
仗馬二匹鞍籠二金輅一青帳房一金輅一乘高

一丈二尺二寸九分濶八尺九寸轅三條各長一丈九尺五寸面至地三尺二寸五分頂心繡雲龍一餘繡五彩雲文天輪三層珠飾內飾青地瀝水三層每層七十二摺紅旗二面垂紅纓九行馬架三

東宮儀仗

門外中道設龍旗六其執龍旗者並用戎服黃旗一居中左前青旗一右前赤旗一左後黑旗一右後白旗一每旗執弓弩軍士六人服各隨旗色殿下設三十六人絳引旛二戟麾六戈麾六鐙麾六

羽葆幢六青方繖二青小方扇四青雜花團扇四
皆校尉擎執服交脚幞頭紅綠辟邪獸團花裙襖
銅葵花束帶皂鞞殿前設四十八人斑劍四梧杖
四立瓜四臥瓜四儀刀四鐙杖四骨朶四斧四響
節十二金節四以上皆校尉擎執服同上殿門設
十二人金交椅一金脚踏一金水罐一金水盆一
青羅團扇六紅圓蓋二以上皆校尉擎執服並同
上殿上設六人金香爐一香盒一唾壺一拂子二
以上皆內使擎執服烏紗交脚帽盤領衣鹿花育
背角束帶皂鞞

東宮妃鹵簿

戟繡幡二 戈繡幡二 鎗繡旛二 降引旛二 斑劍八
梧杖二 立瓜二 卧瓜二 儀刀二 鐙杖二 骨朶二 斧
二 響節四 金鍍銀交椅一 金鍍銀脚踏一 金鍍銀
水盆一 金鍍銀水罐一 以上兼用內使校尉擎執
獸翟車駕 馬馭士 人紅方扇四 紅蓋一 紅大
繖二

東宮妃儀仗

永樂三年定紅杖二 清道旗二 絳引旛二 儀鎗二
戈 斨二 戟 斨二 梧杖二 儀刀二 斑劍二 立瓜二 卧

瓜二鐙杖二骨朵二金鉞二響節四青方傘二紅繡圓傘一紅素圓傘二紅繡方扇四紅繡花圓扇四青繡圓扇四抹金銀交椅一抹金銀脚踏一拂子二抹金銀水盆一抹金銀水罐一抹金銀香爐一抹金銀香盒一紅紗燈籠二對鳳轎一乘與皇妃同小轎一四柱硃漆上施抹金銅珠頂四角抹金雲朵扛金鳳頭尾幔頂用碧紅紵絲行障二葉以紅素綾爲之繪雲鳳文瀝水香草文坐障一葉以紅素綾爲之繪雲鳳文

親王儀仗 世子同

洪武六年初定二十六年再定其制俱簡

永樂三年增定令旗二清道四憶弩一刀盾二十弓
箭二十白澤旗二金鼓旗二畫角十二花匡鼓二
十四杖鼓二金鈺二鑼二柶鼓二板一串笛二小
銅角二大銅角一對戲竹一對大鼓一板一串杖
鼓十二笛四頭管四絳引幡二傳教幡二告止幡
二信幡二儀鎧斃二戈斃二戟斃二梧杖二儀刀
四班劍二立瓜二卧瓜二骨朵二金鉞二鐙杖二
爻叉二戟二十稍二十夾稍二麾一幢一節一響
節八紫方傘二紅方傘二紅銷金傘一紅繡圓傘

一紅曲柄傘二紅油絹銷金雨傘一青繡圖扇四
紅繡圓傘小四紅繡方扇四誕馬八疋鞍籠一金馬
杌一拂子二間抹金銀交椅一間抹金銀腳踏一
間抹金銀水盆一間抹金銀水罐一渾抹金銀香
爐一渾抹金銀香盒一間抹金銀唾盂一間抹金
銀唾壺一紅紵絲拜褥一紅紗燈籠四紅油紙燈
籠四鮑燈二象輅一乘高一丈一尺六寸九分濶
七尺九分轅各長一丈八尺五寸輅亭高五尺二寸
九分硃飾四角硃條環板門高四尺五寸九分濶
二尺二寸五分左右門濶同左右硃桶二抹金銅

銀花葉片後碌屏四周紅羅幃幔亭外紅綺綠紅
縵十二輅頂并圓盤遮塵用赤金繡雲龍一餘繡
五彩雲文天輪三層皆碌飾上安雕木金邊耀葉
板六十三內飾青地雕木五彩雲文輅亭前直欄
柱首紅蓮花紅旗二百每面六旂紅纓五餘同大
馬輦

親王妃儀仗

公主世子妃同

永樂三年定紅杖二清道旗二絳引旛二戟斨二梧
杖二儀刀二斑劍二立瓜二卧瓜二骨朵二鐙杖
二響節四青方傘二紅彩畫雲鳳傘一青孔雀圓

扇四紅花圓扇四間抹金銀交椅一間抹金銀脚
踏一間抹金銀水盆一間抹金銀水罐一紅紗燈
籠四拂子二鳳轎一乘小轎一乘行障二葉坐障
一葉

郡王儀仗

永樂三年定令旗二清道四幟弩一刀盾十六弓箭
十八副金鼓旗一對畫角十枝花匡鼓二十柶鼓
一金鈺一鑼二板一串笛二戲竹一對大鼓一板
一杖鼓八笛四頭管四絳引幡二傳教幡二告止
幡二信幡二悟杖二儀刀四立瓜二骨朵二斧戟

十六稍十六麾一幢一節一響節二對紅銷金圓
傘一紅圓傘一紅曲柄傘二紅方傘二青圓扇四
紅圓扇四誕馬四足鞍籠一間抹金銀馬杌一拂
子二間抹金銀交椅一間抹金銀水罐一渾抹金
銀香爐一渾抹金銀香盒一紅紵絲拜褥一紅紵
燈籠二對鮫燈一對帳房一座

郡王妃儀仗

永樂三年定紅杖二清道旗二絳引旛二戟斨二梧
杖二斑劍二立瓜二骨朶二響節二青方傘二紅
圓傘一青圓扇二紅圓扇二把間抹金銀交椅一

開抹金銀脚踏一拂子二紅紗燈籠一間抹金銀
水盆一間抹金銀水罐一翟轎一行障二葉坐障
一葉

郡主儀仗

永樂三年定紅杖二清道旗二斑劍二梧杖二立瓜
二骨朶二響節二青方傘一紅圓傘一青圓扇二
紅圓扇二間抹金銀交椅一間抹金銀脚踏一間
抹金銀水盆一間抹金銀水罐一拂子二把翟轎
一乘行障二葉坐障十葉

公侯百官儀從

洪武三年十二月詔定公侯儀從禮部尚書陶凱等
考定以唐宋之制爲準於是賜功臣魏國公徐達
以下儀從各有差

洪武十三年三月癸巳詔以京衛軍士充公侯儀伏
戶韓國公李善長魏國公徐達皆二十戶曹國公
李文忠等皆十九戶侯皆十五戶先是以京民充
之近因善長以老疾辭儀從故命易以軍士仍給
之

洪武十年八月壬申定官員儀從及公使人數初丞
相大都督准侯例儀從用十五人從一品十三人

正從二品九人三品七人四品五人五品四人六
品七人七品三人八品九品二人至是議自從五
品以上仍前例六品至九品比前例各減一人其
各司聽差公使人數中書省御史臺各二十六人
六部各十人斷事司察院各八人應天府十五人
上元江寧二縣各十人

凡官員鞍轡馬領下纓并鞦俱黑色不得用紅
纓及描金嵌金天青硃紅裝飾公侯及一品二品
銀減鐵事件描銀鞦三品至五品銀減鐵事件油
畫鞦六品至九品擺錫事件油畫鞦一軍民用鐵

事件黑綠油靴

在朝公卿大臣乘安車肩輿景泰間在京文職官自三品以上乘肩輿正統後因太監汪直奏革部覆得旨如景泰時行弘治間河南等道監察御史奏禁約八人擡部議兩京及在外文武官員應乘轎者乘轎應乘馬者不得乘轎得旨八人轎嚴加禁約

凡官負傘蓋不得用金繡珠紅裝飾公侯及一品二品銀葫蘆頂黑色茶褐羅表青絹裏三簷雨傘油絹三品四品黑葫蘆頂餘同二品五品黑葫蘆

頂青羅表青絹裏兩簷雨傘油絹六品至九品黑
葫蘆頂青絹表青絹裏兩簷雨傘油紙軍民不得
用羅絹涼傘止用油紙雨傘

成化元年令凡京官出外四品以上引導六人用錫
樂鋼叉藤棍七品以上引導四人用錫樂藤棍在
外方面官引導六人用錫樂鋼叉藤棍各府及監
運四品以上官引導四人用錫樂藤棍七品以上
引導二人用藤棍八品九品用竹篋二引導雜職
不得引導若府州縣官催徵用竹篋荆杖巡捕用
叉刀之類導引者不在禁限其京官還里不得引

導及責罰吏民若風憲官借用許諾司指實具奏
論曰昔人皇氏乘雲車駕六羽軒轅氏創五旗五
麾以謹出入以嚴尊卑夏后氏之綏殷之太白周
官隸僕掌蹕官中之事建太常大旂大赤太白太
麾漢朝會則衛官陳車騎張旗志虎賁羽林弧弓
撮矢陞戟左右戎頭偏脛陪前向後天子出車駕
次第謂之鹵簿有大駕法駕小駕黃屋左纛鷩旗
在前屬車在后或曰鹵者大看也以大看領一部
之人故曰鹵簿或曰凡兵衛以甲盾居外爲捍蔽
載在簿籍是鹵簿之名始於漢臣下無得而稱焉

唐朝會以三衛爲五仗。四品以上皆給鹵簿。是鹵簿儀仗。達於上下矣。宋大駕鹵簿。皇帝乘玉輅。駕青馬。每大祀。命大禮鹵簿使專掌定字圖儀仗。使糾督之。而以儀仗充庭之制。衛尉領左右。街司左右。金吾仗司。六軍儀仗司。主清道徼巡。排列奉引。儀仗國初損益百代。嘗詔禮官鹵簿彌文。務從省節。爲子孫法。而殿中制黃麾仗。凡正旦聖節朝會。及冊拜接見蕃臣。儀駕司陳設儀仗。自至尊而逮皇后皇妃。東宮暨妃。皆得有鹵簿。有儀仗親王而下。止稱儀仗。而群臣無及焉。

終